

Enformaziuns y comunicaziuns

Liturgia dla Parora: A Balsan vègnel tignì en curs por formé conduturs dla Liturgia dla Parora. I cursc pitès cina sèn dörà 8 dis entiers. Sèn nen vègnel tignì önn por talian co döra endöt 4 sabedes (döes d'otober y döes de dezèmber), dagnora dales 9 ales 12. Al foss na gran chance por fà cösta formaziun t'en tomp relativamonter cört. Präibel anunziésse da atira. Enformaziuns cialfun pa Annalisa Marcocci o Pablo Palfrader.

Plata de Ploania: Pla plata de Ploania èl plü porsones co se partiarà sö le laür. Al vèn ciamó chirì na porsona co fistidiëia da mèter adöm öna dles 4 perts. An laora t'en team y le sorvisc da fà la plata sarà por düc plü lesier. Enformaziuns pa Pablo.

Adoraziun: Te dlijia d'La Val vègnel tignì vigne jöbia dan le Pröm Vëndres dal mènes dales 20 ales 21 na ora d'adoraziun dan le Santiscimo, por perié dò vocaziuns religioses.

Oraziun: En vëndres ai 21/09 ales 8 da sèra èl tla capela da Oies na oraziun de Taizé.

Pelegrinaje/1: La Uniun dles Porsones Vëdoes y Sores dla Val Badia va por sané a Maria Trens y tla dlijia da Pfitsch, en jöbia ai 27.09. Le bus peia da Al Plan demez ales 7:30. Iade y marëna costa 40,00€. Da s'anunzié èl cina ai 24.09 pa Tresele Planatscher al 0474/501397.

Pelegrinaje/2: La Uniun de San Vinzenz enviëia al pelegrinaje a Weissenstein, en jöbia ai 20 de setèmber. An peia ia ales 8 da doman sön plaza dal Cone. Laia sarà spo na Mëssa. Da paie èl 15,00€ a ce por le iade. Por la marëna mäss vignönn fistidié enstës. An po s'anunzié cina ai 18 de setèmber pa André Videsott al nr. 0474/501066.

Jogn: Le grup dai jogn enviëia döta la jonëza ala cëna dai jogn, en vëndres ai 21 de setèmber ales 19:30, tla Ostaria Plazores. Por enformaziuns plü monüdes y por s'anunzié pòn telefoné anter i 17 de setèmber a Paul da Pederü al 347/5539149.

Referat: Le KVV d'La Pli enviëia dër bel al referat "Starke Knochen - Gesunde Knochen! Wie kann man Osteoporose vorbeugen?", co gnarà tignì en dëdemesaledema ai 19 de setèmber ales 8 da sèra te Ciasa dles Uniuns d'La Pli. Referënta è la dra. Cristina Tomasi.

Conzert: Le Cor "ProVoXis" enviëia bel a en conzert, encö domëgna ai 16 de setèmber ales 21:00, te salf dles manifestaziuns d'Al Plan.

Sorvisc dai Ministrón

Domëgna 16/09 - 10:00h: Melanie Ties, Aron, Asia y Mara Rungger, Herbert Piazza, Daniel Piazza; **Lönesc (7:15h), Dëdemesaledema (18:00h) y Vëndres (7:10h):** Maria Huber, Ester Comploi; **Sabeda 18:00h:** David y Sara Doria, Paula y Veronika Erlacher, Catarina Frenner, Viktoria Frontull; **Domëgna 23/09 - 10:00h:** Samuel Castlunger, Anna Chierchia, Daniel y Luca Comploi, Emilie y Richard Comploi.





Ploania
d'Al Plan
de Mareo

La plata de Ploania

E-Mail: ploaniaalplan@gmail.com - Radio: 93,00 MHz

24. Domëgna dal ann liturgich B, ai 16.09.12 - nr. 41

Chê dijëise pa che iu sun?

Dal vagnele dô San Merch, 8, 27-35


Te chël tomp ²⁷è Gejù jü con sù discepuì tai païsc dlungia Zesarea de Filipus. Sön tru àl damané i discepuì: Chê dij pa la jont che iu sun? ²⁸Ai ti à dit: Valgügn Jan Batista, d'atri Ella, endô d'atri en ater dai profeç. ²⁹Danlò i àl damané: Os endere, chë dijëise pa os che iu sun? Sciomun Pire ti à respognü: Tö es le Messia! ³⁰Mo èl ti à proibì da baié con zacai de èl. ³¹Spo àl motü man da i istrui che le Fi dal Om mëssarà pati trep y gnarà refodé dai plü vedli, dai gragn prei y dai stüdiës dla lege; al gnarà copé, mo do da trëi dis ressoriaràl. ³²Y al baià daverd daldöt de cösc. Danlò l'à Pire tut da na pert y à motü man da le bronteré. ³³Gejù s'à ôt y ti à ciaré ados a sù discepuì y à amonì Pire con les parores: Vàtan demez da me, sàtann! Deache tö n'as nia enmont ci che Dio ô, mo ci che la jont ô. ³⁴Al à cherdé adalerch la meja de jont y i discepuì y à dit: Chël co ô mo gni dô s'an desdiji de sè enstës, tòli sôa crusc sön èl y mo vëgni dô. ³⁵Deache chël, co ô salvé sôa vita, la pordarà; mo chël, co pordarà sôa vita por mia gauja y por gauja dal vagnele, la salvarà. **Parora dal Signur. - Lalt a té, Gejù Crist!**



Christi Tod mit sich herumtragen

Christus will sagen: Unablässig trage diesen Tod mit dir herum. Es kann geschehen, dass einer leidet, ohne dem Herrn nachzufolgen, wenn er nämlich nicht um Christi willen leidet. Damit du nun nicht glaubst, es komme auf das Leiden als solches an, so weist er auch auf den Beweggrund hin, weshalb man leiden müsse. Welches ist nun dieser Beweggrund? Dass du alles das tust und leidest, um ihm nachzufolgen; dass du um seinen willen alles auf dich nimmst.

gekürzt nach dem Matthäuskommentar
des Johannes Chrysostomus († 407)



H. Krist

SS. Mësses y Funziuns dai 16 ai 23 de setëmbër



16.09 - 24. Domëgna dal ann liturgich B

Oferta por i bojügns dla Ploania

6.30: Mëssadora ia La Pli

9.30: Corona

10.00: S. Mëssa por dōta la ploania

ad onù y rengraziamont dal Agno Custode

Lönesc 17.09 - Memoria de Santa Hildegard von Bingen: Robert

7.15: S. Mëssa

de rengraziamont dla vita

por fam. Decobelli

por +nta Maria Taibon dal Sartù

por +nt Franz Kaneider de Ianesc

Dédölönesc 18.09 - Feria dla 24a edema dal ann: Richardis, Lambert, Ojep

18.00: Corona

Dédemesaledema 19.09 - Feria dla 24a edema dal ann: Genaro, Teodor, Igor, Alfons

18.00: S. Mëssa

por +nta Ida Clara dal Bagn

por +nt Iarone Rubatscher

por +nt Jakob Erlacher, senior

Jöbia 20.09 - Memoria de San André Kim Tae-gon y Paul Chong: Stachio

18.00: Corona

Vëndres 21.09 - Festa de San Matio Apostul: Debora, Jonas, Francësch

7.10: S. Mëssa

dai scolari

por les Püres Animes dal Purgatorio

por +nc Angelo y Maria Taibon

por +nt Friedl Ferdigg dal Pech da Mantëna

por +nc Paula y Heinrich Pramstaller

15.00: Oraziun y adoraziun

Sabeda 22.09 - Sancta Maria in Sabato: Moritz, Emmeran, Tomesc

17.00: Poscibilitè da se pissié

18.00: S. Mëssa

por +nc dla fam. Taibon - Brugger

por +nc dla fam. Alberti

por +nc Terrabona dal Stofl da Val

por +nc Comploi de Mano y Clara



23.09 - 25. Domëgna dal ann B - Festa dai Aniversars

Oferta por i bojügns dla Ploania

6.30: Mëssadora ia La Pli

9.30: Corona

10.00: S. Mëssa por dōta la ploania

de rengraziamont por i iubilars

ad intenziun y onù dal Spirit Sant

por les Püres Animes

Dé internazional dai mituns: Mituns adora tomp

J. Gandras



So lautet das diesjährige Motto von UNICEF und dem Deutschen Kinderhilfswerk zum Weltkindertag am 20. September. Damit möchten die Kinderrechtsorganisationen das Recht der Kinder auf Spiel und Freizeit, auf elterliche Fürsorge und auf Beteiligung ins Bewusstsein rücken.

I geniturs è fondamentai por i mituns!

Feter vigne parti scri sön söa bandira la politica dles families, mo nia düc ne mina dagnora le medemo. Te öna na cossa pöl endere che düc sii a öna. Sot a politica por les families vëgnel gonot miné l'ester bogn da lié familia y laür. Y cösc ô di avëi poscibilmonter trepes strotöres da dé ia i mituns belo dër da pici (Casa Bimbo, scolina dan i trëi agn y e.e.). Mo è pa cösc davëi bun por la familia, o èl plülere bun por l'economia? Y ci co vën araté bun por la familia, èl pa incé bun por i mituns?

Stüdi desmostra che i mituns co vën sorandës belo dër da pici a strotöres d'educaziun, à bën resultač positifs tal emparé, mo dal ater vers pöi avëi en gran defizit tal ciamp sozial, emozional y incé de sanité. Analises mediches desmostra che i pici mituns co vën trac sô da porsones co n'è nia sù geniturs, à valurs de strës che mâ i managers à - con dōtes les consequënzes negatives por so svilup. Incé sce cōsta verité po ester en pù' provocanta, dëssera dé da ponsé dō. Empede co concentré dōta la forza politica y finanziaia da pitë ciases dai pici y amplië les scolines por i mituns dan i trëi agn, fōssel magari miù da sostegni i geniturs te so laür d'educaziun: ti dé ales families en sostën finanziair, a na moda che i geniturs ne mëssi nia entrami jì a laoré, por nen gnì fora cina ala fin dal mëns. Mo val' dess gnì motù en tler: sce mëter i mituns belo dan i trëi agn te strotöres d'educaziun po ester en fatur da ponsé dō, spo èl da alzé fora che jì ala scolina dō i trëi agn - denant co jì a scora, è de gran emportanza por so svilup. (Michael Tillmann)

Te cösc contest ciámó en iade la storia publicada dan val'edemes tla plata de ploania: dui geniturs co à na picia mōta mo ea gonot demez por laür, ea jüs te na botëga. Ala lodnera ti ài dit che ai à na mōta co scutà gonot chita, à la ria lōna y riea pūch. Porchël orëi ti cumpré le plü bel jüch, por che ara podess avëi endō ligrëza y de bi momoné. "Ci aconsiëise pa?", ài damané la boteghiera. Cōsta à atira capì ci che al sozedea y dër da orëi bun ti àra respo-gnù: "Al mo desplej, mo i ne venun nia geniturs!"